

Deiadar kolektiboak hitzordu berria finkatu du ekainaren azken asteburuan

Euskaltzaleei dei egin die milaka metro banderola zabaltzeko Ipar Euskal Herrian

Mobilizazio handia egin arren udaberrian, Bete hitza euskarari lege geriza ize-neko kanpainak ez du ondorioz izan. Deiadar kolektiboak beste hitzordu bat jarri die euskaltzale guztiei datoren asteburuan Ipar Euskal Herriko hamabi herritan.

Lutxi Fourcade / Baiona

EUSKARAREN ofizialtasuna eta Antolakuntza Eskemaren aplikazioa aldarrikatzeko, Deiadar ize-neko laugarren kanpaina hasi zen joan den udaberrian Ipar Euskal Herrian. Euskal kultur munduko hamabi elkartek bultzaturik, Bete hitza euskarari lege geriza leloaren inguruan, 3.000 lagunetik gora bildu ziren joan den apirilaren 4an Baionako karriketan, eta 15.000 pertsonak izenpetu zuten kolektiboaren agiria. Hogeita hamasei auzapez edo kontseilari nagusik, bai eta 104 elkartek ere, babesa eman zieten kanpainaren eskakizunei. Bestalde, euskararen alorrean edota euskaraz ari diren 317 langilek sustengatu zuten kanpaina.

Eskaera soziala zabala izan arren, «botere publikoek ez dute inolako neurririk hartu euskarak dituen behar gorriak asetzeko», azpimarratu zuen Pruden Sudupe Deiadar kolektiboko kideak. Are gehiago, tokiko hautetsien axolagabekeria gero eta nabarmenagoa dela eta benetako gogoa eta ez dela hasia gehitu zuen. Hain zuzen ere, Deiadar kanpaina bi sailetan eramana izan zen, eta jendeari informazioa helarazteaz gain, hainbat elkarrizketa izan ditu tokiko hautetsiekin. «Nahiko balantze ezkorra egin daiteke, eta erantzun hotzak eta lleskorrak izan ditugu», azpimarratu zuen Sudupek. Nicole



Deiadarreko ordezkariak, atzoko agerraldian.

BOB EDME

Peryk goraipatu bazuen ere mobilizazio zabala, indargabetua zela adierazi zuen. Hautetsien Kontseiluko Administrazio Kontseiluko kideak, berriz, «oro har nahiko galduak agertu dira». Raphael Lassalettek, Hendaiaiko auzapezak, berretsi zuen tokiko hautetsiek ez zutela inolako asmorik euskara salbatzeko. François Bayrouk, aldiz, badirudi memoria galdu duela, eta beste kezka batzuk dituela. «Azken batean, ele ederrak entzun ditugu, baina gauza gutxi egiten da, eta oraino gutxiago gogoetazten!».

Milaka metro banderola • Hizkuntza gutxituen alde borrokatzen direnek bi hitzordu nagusi izan

nen dituzte datozen asteetan. Lehendabizi, Bernard Poignant bretoindarrak eman beharko dio Lionel Jospini hizkuntza gutxituei buruzko lana ekainaren 30ean. «Ez dugu esperantza handirik, zeren erakaskuntza arloko proposamenak soilik aipatuko baititu, eta hizkuntza gutxituen ofizialtasunaren aurka agertu baita», azaldu zuen Aineş Dufauk. Gainera, adierazpenak egin berri ditu prentsan, konparatuz hizkuntzen aldeko borroka eskuin muturreko borrokekin. «Azken batean, Jospinen misioak estaliko ditu gure eskakizunak, eta gibelera eramanen gaitu».

Uztaillean, berriz, Kanakyko erreferenduma dela eta, Fran-

tziako Kongresua bilduko da Konstituzioa aldatzeko. «Parada ona liteke oztopo handia baztertzeko, eta bigarren artikulua aldatzeko», azaldu zuen Dufauk. Altabada, eskakizun hori defendatzeko sortu zuen hautetsien taldeak ez du eskakizun hori solasgaietan izan.

Egoera latzari buru egiteko, Deiadarra berriz jotzeko beharra ikusi dute taldeek, eta mobilizazioak antolatu dituzte ekainaren 26, 27 eta 28rako. Elkarretaratze ikusgarri bat egingen dute, eta milaka metro banderola zabalduko Ipar Euskal Herriko lau kantoietan. Jendea hamabi herritan bilduko da, eta «ihardokitzeko beharra argi baita», euskaltzale guztiak deitu ditu Deiadarrek. X

Tabernak itxi ondoren ordu erdiko tartea izango da jendea irteteteko

■ EAEko Herrizaingo Saila aurrekoa osatuko duen dekretu berria ari da prestatzen

Europa Press / Bilbo

EAEko Herrizaingo Saila dekretu berri bat prestatzen ari da ostalaritzako establezimenduetako ordutegiak arautzen dituen dekretua osatzeko. Tabernak itxi ondoren jendea irten dadin ordu erdiko tartea izango da, dekretu berrian zehazten denez. Dekretu berriak, ordea, bere horretan uzten du itxeko ordua, nahiz eta sektoreko kideak haren aurka agertu diren.

«Ordutegiei buruzko dekretuak praktikan izan duen funtzionamendua ikusi ondoren hartu dugu erabaki hau», azaldu dute Herrizaingo Saileko iturriek. Bezeroak gutxina-ka-gutxinaka eta ostalariekin liskarrik eduki gabe ateratzea du helburu dekretu honek, Herrizaingo Sailaren arabera.

Ordu erdi horretan tabernariak ezin izango diote inori tabernan sartzen utzi; «era berean, musika kendu, edozein motatako ikuskizunak eten, joko makinak eta beste-lakoak eten... beharko dituzte ostalariek. Azken finean, bizilagunentzat molestagarriak gerta daitezkeen jarduerak eten beharko dituzte».

Dekretu berri hau ordutegiena osatzeko egin duten arren, azken horrek helburuak bete dituela uste du Eusko Jaurlaritzako Herrizaingo Sailak, hau da: «Herri-tarren aisialdi eta atsedenaldirako eskubidea ostalariek beren lan jarduera garatzeko duten eskubidearekin uztartzea». X

CONVOCATORIA DE AYUDAS A LA FORMACION CONTINUA

PRESTAKUNTZA IRAUNKORRERAKO LAGUNTZA-DEIALDIA

LA PIEZA CLAVE DE TU FUTURO
ZURE ETORKIZUNeko GILTZARRIA

HOBETUZek PRESTAKUNTZA-PLANEI DIRULAGUNTZA EMATEN DIE:

- Enpresetakoak.
- Elkarte edo Enpresa Multzoetakoak.
- Sektorez sektorekoak
- Sektore artekoak.

AURKEZPEN-EPEA:
1998ko Uztailaren 20a arte.

INFORMA ZAITEZ 902 22 22 30an.

HOBETUZ SUBVENCIONA PLANES DE FORMACION:

- De Empresas.
- Agrupados o de Grupos de Empresas.
- Sectoriales.
- Intersectoriales.

PLAZO DE PRESENTACION:
Hasta el 20 de Julio de 1.998

INFORMATE EN EL 902 22 22 30

H O B E T U Z

Fundación Vasca para la Formación Profesional Continua
Langileen Prestakuntzarako Euskal Fundazioa



COMUNIDAD EUROPEA



Fondo Social Europeo